



Broj: 01-676-2/25
Sarajevo, 5. 6. 2025. godine

Na osnovu odredaba člana 14. Pravilnika o unutrašnjoj organizaciji i sistematizaciji radnih mjesta na Pravnom fakultetu Univerziteta u Sarajevu br. 02-32-8-1/24 od 12. 11. 2024. godine (u daljem tekstu: Pravilnik Fakulteta) i člana 31. i 33. Etičkog kodeksa Univerziteta u Sarajevu br. 01-38-1696-1/12 od 27. 6. 2012. godine i Oduke o izmjenama i dopunama Etičkog kodeksa Univerziteta u Sarajevu br. 01-14-192/21 od 29.9.2021. godine (u daljem tekstu: Etički kodeks), a povodom zahtjeva Instituta za razvojni uticaj (Institute for Development Impact – „I4DI“) Washington DC, SAD u partnerstvu sa Yale Univerzitetom, New Haven – Connecticut, SAD (u daljem tekstu: Zainteresirane strane) za davanje mišljenja o usklađenosti provođenja istraživačkog projekta s načelima i pravilima Etičkog kodeksa br. 01-676/25 od 2.6.2025. godine, Etički odbor Univerziteta u Sarajevu-Pravnog fakulteta (u daljem tekstu: Etički odbor), na elektronskoj sjednici održanoj 5. 6. 2025. godine u periodu od 08:00 sati do 16:00 sati, je donio *sljedeće*

MIŠLJENJE

Istraživački projekat zainteresiranih strana pod nazivom „Izgradnja mira kroz generacije: Svakodnevni mir u Bosni i Hercegovini“, ne krši odredbu čl. 17 st. 1. Etičkog kodeksa Univerziteta u Sarajevu u granicama njenog provođenja na Univerzitetu u Sarajevu - Pravnom fakultetu a uz obavezno poštovanje odredbi Zakona o zaštiti ličnih podataka BiH ("Službeni glasnik Bosne i Hercegovine", br. 12/2025). Za sticanje saglasnosti Etičkog savjeta Univerziteta u Sarajevu, potrebno je predmetnom tijelu uputiti poseban zahtjev.

Obrazloženje

Institut za razvojni uticaj (Institute for Development Impact – „I4DI“) Washington DC, SAD u partnerstvu sa Yale Univerzitetom, New Haven – Connecticut, SAD (u daljem tekstu: Zainteresirane strane), su dana 2. 6. 2025. godine, podnijeli Mobu za odobrenje provođenja Istraživačkog projekta odnosno davanje mišljenja Etičkog odbora o usklađenosti provođenja anketnog ispitivanja s načelima i pravilima Etičkog kodeksa.

Odredbom člana 11. Etičkog Kodeksa eksplicitno je zabranjen svaki oblik diskriminacije, neposredne ili posredne, temeljen na religiji, etničkoj i nacionalnoj pripadnosti, rasi, spolu, spolnoj orijentaciji, stilu života, imovinskom stanju, porijeklu, porodičnom i bračnom statusu, drugom stanju, godinama, invalidnosti, tjelesnom izgledu, zdravstvenom stanju, političkom opredjeljenju.

U okviru temeljnih načela Etičkog kodeksa, propisano je da je Univerzitet mjesto na kojem je svakom članu univerzitetske zajednice osigurano uživanje svih ljudskih prava koja se ostvaruju unutar te zajednice, te je garantovano poštivanje svih prava zajamčenih Ustavom i zakonima Bosne i Hercegovine. Svi članovi univerzitetske zajednice trebaju biti poštovani kao osobe u skladu sa zajamčenim pravima na život, integritet i dostojanstvo.



U skladu sa odredbom člana 17. stav 1. Etičkog kodeksa propisano je da nisu dozvoljena istraživanja koja mogu rezultirati nepotrebnim i neprihvatljivim rizikom ili dovesti do psihičkog i fizičkog povređivanja ljudi, povreda životinja ili okoline, a koje bi bilo moguće izbjeći, kao ni podržavanje, podsticanje na činjenje i neprijavljivanje takvih aktivnosti koje provode drugi članovi akademske zajednice.

Shodno navedenom, Etički odbor je donio mišljenje kao u dispozitivu.

ETIČKI ODBOR:

1. prof. dr. Iza Razija Mešević, predsjedavajuća
2. prof. dr. Amila Ferhatović, članica
3. prof. dr. Edina Sudžuka, članica
4. Mirela Rožajac-Zulčić mr. sci., članica
5. Haris Starhonić, BA iur, zamjenski član

DOSTAVITI:

- Članovima/icama Etičkog odbora
- Zainteresiranim stranama